

տի վերա ունինք արդեն ՈժԲ(=1162) թվականով արձանագրութիւնս. և մենք կտեսնենք, վոր մոտավորապես այդ ժամանակներում ել նորոգված ե միաբանական կյանքը Կեչաւաց վանքում՝ Սելջուկյան տիրապետութեան շրջանում խրթնանալուց հետոյ: Բայց շենքի ծագումն ավելի հին ե, կարծում ենք, Գրիգոր Մագիստրոսի շինել տված 1051 թվին. այդ մասին առիթ կունենանք հետոյ մանրամասն գրելու: Խաչքարի պատվանդանի զույգ կիսասյուները տախտակաձև խոյակներով և կամարներով, բուն խաչի գլխի սրածայր կամարը և խաչի տակի պարանահյուս քանդակը նմանութիւն են բերում Կաթողիկէի թմբուկի կիսասյուներին, արեւմտյան ճակատի պարանահյուս խաչին և դրան սրածայր կամարին, վորոնք բնորոշ են ժԳ. դարու արվեստին: Վեցիկի արձանագրութեան հնագրական կցվածքները՝ աբ, որ, աւ տառերի՝ այդպիսի հաճախութեամբ՝ այլ ևս վոչ մի կասկած չեն թողնում, թե Վեցիկը ժԳ. դարու մարդ ե, ուրեմն և Վասակաշեն կաթողիկէն ե այն նոր յեկեղեցին, վոր յիշված ե խաչքարի արձանագրութեան մեջ:

Յեկեղեցու մեծութիւնն ե 13մ. 40սմ.×9մ. 80սմ. հարավային և արեւմտյան պատերով, իսկ հյուսիսային և արեւելյան պատերով 13մ. 5սմ.×9մ. 7սմ. արտաքուստ. ավելի մանրամասնութիւններով հաբավային պատը՝ արեւմուտքից դեպի արեւելք մինչև նիշի բացվածքը 3մ. 78սմ., նիշը 89սմ., մինչև մյուս նիշը 3մ. 53սմ., յերկրորդ նիշը 88սմ., մինչև արեւելյան անկյունը 3մ. 82սմ.: Արեւմտյան պատը՝ հյուսիսից հարավ՝ մինչև դրան բացվածքը 4. մ. 3սմ., դրան բացվածքը 1մ. 2սմ., դռնից մինչև հարավային անկյունը 4մ. 3սմ.: Հյուսիսային պատը արեւելքից արեւմուտք մինչև դուռը 6մ. 6սմ., դրան բացվածքը 1մ. 12սմ., և դռնից մինչև արեւմտյան անկյունը 5մ. 88սմ., արեւելքից պատը հարավից դեպի հյուսիս մինչև նիշը 3մ. 76սմ., նիշի բացվածքը 82սմ., և մինչև հյուսիսային անկյունը 2մ. 12սմ.:

Ներսից խաչաձև ե հատակագիծը, հյուսիսից հարավ ձգված թևը ավելի կարճ: Ինչպես ժԲ. — ժԳ. դարու տաճարներից շատերը (Յոհաննա վանք, Գեղարդ ևն) չորս անկյուններում ունի կրկնահարկ ավանդատներ՝ արեւմտյան հարկն ունի պատում հաստատված աստիճաններ: Յեկեղեցու յերկարութիւնն ե փոսիղով 11մ. 35սմ., լայնութիւնը 7մ. 95սմ.: — Ափսիղի խորութիւնը 3մ. 66սմ., բուն բացվածքը 4մ. 48սմ., իսկ արտաքին բացվածքը յեղբորդ կիսասյունից կիսասյուն 5մ. 10սմ.: Հյուսիսային պատը արեւելյան ճակատից դեպի արեւմուտք, յերկու կիսասյուների մեջ յեղած տարածութիւնը 4մ. 10սմ., ապա մինչև արեւմտյան կիսասյունը 2մ. 65սմ.: Արեւմտյան թևի հյուսիսային և հարավային պատի մեջ յեղած տարածութիւնն ե 5 մետր: Պատի հաստութիւնը 98սմ., իսկ աւանդատների դռների լայնքը 92սմ.:

Յուրաքանչյուր պատի վերա կա մի մի նեղ և յերկարավուն լուսամուտ և չորս ավանդատների պատերի

վերա մի մի փոքրիկ լուսամուտ, ինչպես ցույց ե տալիս պատկերը հարավային և արեւմտյան պատերով (պատկ. 23): Հատակագիծ պատրաստել անկարելի եր, հատակագիծը ծածկված լինելով, յեկեղեցու ներսը լցրած փլատակի քարերով:

Վասակ Խաղբակյանը չբավականացավ յուր Կաթողիկէի շինութեամբ. հարավային պատի մեծ արձանագրութեան համեմատ (պատկ. 4. Հավել. 4) նա յուր յեկեղեցին զարդարեց պեսպես սպաններով, խաչերով, նվիրեց գանձագին մի գյուղ, անունն անհայտ, արձանագրութեան այդ մասը կտրված լինելու պատճառով, մի այգի Յերևանում և մի ուրիշը Նորաշենք գյուղում: Նորա որինակին հետեց և ամուսինը Մաման՝ նվիրելով մի այգի Յերևանում. արձանագրութեան այս մասն ել թափված ե, և մենք ուրիշ աղբյուր չունինք վորոշելու, թե ո՞ւմ դուստրն եր Մաման. սորա հիշատակին, վորդին Հասան-Պոռշ նվերներ ունի տված Կոշիկ անապատին 1244 թ., Գեղի Բարձրաքաշ Ս. Գրիգորին և Կարբու Յոհաննայ վանքին 1247 թ.: Որբելյանը նույնպես հիշում ե, թե ինչպես Սյունյաց Ստեփանոս յեպիսկոպոսի՝ Աձոպի Պետրոս յեպիսկոպոսի մոտ գրավ դրած «զՏԵր Յովհաննիսի զաւագ խաչն եւ զթիթեղնակապն եւ զկամարակապն», վորոնցից «թիթեղնակապն ունէր թիթեղունս ոսկի ի վերայ երեսացն եւ կամարակապն կամար ակնաձև թևէ ի թև», յուրացնում ե Վասակ, «թիթեղնակապն ու կամարակապը դնելով «յիւրում վանս ի Կեչառուս ուխտի», իսկ ավագ նշանը նվիրում արեւելի Իվանին: Սյունյաց Մարգիս յեպիսկոպոսն ու Լիպարիտ Որբելյան 1000 կարմիր դահեկան տալով Իվանին, հաղիվ կարողացան յետ ստանալ միայն վերջինը\*: Արձանագրութեան մեջ հիշված Տ. Գրիգորիսի և Գրիգոր վարդապետի մասին կտեսնենք հետո, յերբ առիթ կունենանք վանքի մասին՝ իբրեւ հոգևոր կեդրոնի՝ խոսելու:

Վասակի և Մամայի վորդիքն եյին ըստ արձանագրութեան «Պապաք, Մկրէմ և Հասան՝ երկանուն Պոռշ», վորոնց մասին տեղեկութիւններ են տալիս Կիրակոս, Այրիվանեցին, միայն Պապաքի մասին նաև Վարդան: Գոցանից Պապաքը 1222 թվին ընկավ Խրճաղների դեմ մղած պատերազմի մեջ. Գանձակեցին պատմելով այս գեպը, ավելացնում ե. «զի երեք որդիք էին Վասակայ՝ Պապաքն, Մկրէմ, Հասան, զոր Պոռշն կոչէին, արք քաջք և անուանիք, որ յահէ նոցա դողայր ամենայն զօրն Տաճկաց»\*\*: Վարդան ևս հատուկ շնոտում ե Պապաքի քաջութիւնը. Գրիգոր Խաղբակյանի հետ Խփաղները բռնեցին «և զեղբորդին իւր զարիական և զքաջ նահատակն Պապաքն անուանեալ»<sup>1</sup>: Իսկ Այրիվանեցու խոսքերը հոր և վորդիների մասին տեսանք առաջ: Տարբարողաբար սրանց կատարած քաջագործութիւնների մանրամասնութիւն-

\* Օրբ. 352—354:  
 \*\* Գանձ. Թիֆլիս. 1910. 194:  
 1 Հրատ. Էմինի. Մոսկվա. 1861. 187.: